

# კასპის მუნიციპალიტეტის 3 სოფელში პოლიციის სპეციალური საკონტროლო პუნქტები მოეწყო.

02 აპრილი 2021

საქართველოს მთავრობის უწყებათშორისი საკოორდინაციო საბჭოს მიერ მიღებული გადაწყვეტილების შესაბამისად, COVID-19-ის გავრცელების პრევენციისა და მოქალაქეთა აქტიური მონიტორინგის მიზნით, კასპის მუნიციპალიტეტის სოფლებში - იგოეთში, სამთავისსა და ქვემო ჭალაში საკონტროლო პუნქტები მოეწყო. აღნიშნული სოფლების ტერიტორიაზე შემსვლელ და გამომსვლელ მოქალაქეებს ადგილზე უტარდებათ თერმოსკრინინგი, ხოლო საჭიროების შემთხვევაში ტესტირება. ასევე, სოფლებში შესვლა-გამოსვლა არ იზღუდება და არ ნესდება სხვა მკაცრი საკარანტინო შეზღუდვები.

არსებულ სიტუაციას ადგილზე შიდა ქართლის სახელმწიფო რწმუნებული მამუკა სალარეიშვილი გაეცნო. მისი თქმით, სიტუაცია კონტროლს ექვემდებარება, თუმცა მოქალაქეების უსაფრთხოების და პრევენციის მიზნით მიმდინარეობს თერმოსკრინინგი.

„, პრევენციის მიზნით და მოსახლეობის უსაფრთხოების გამო სამ სოფელში მიმდინარეობს თერმოსკრინინგი, ხდება სოფლებში შემსვლელი და გამომსვლელი პირების თერმო-შემოწმება და საჭიროებისამებ, ტესტირება. დღევანდელი მონაცემებით რეგიონში 30 დადებითი შემთხვევა დაგვიფიქსირდა. მინდა ვთხოვო ჩვენს მოქალაქეებს, რომ დაიცვან რეგულაციები და გავუფრთხილდეთ ერთმანეთის ჯანმრთელობას“- აღნიშნა რწმუნებულმა.